

Fula - Kisndam Deftere - Salvation Scriptures

Efesu'en 2:2 On tokki laawol kallungol ngol duniyaaru ndu, on dōwtani laamiido ruuhuji gondi nder hawa hakkunde asama bee lesdi. Koo jonta boo ruuhu man don laamano yimbe luutoobe Jehovah.

Matta 6:10 Waŋinan min laamu ma. Muuyo ma laato naa haa asama tan, ammaa haa caka amin nder duniyaaru boo.

Luka 22:42 "Baabiraawo, to a yidi, daaynu jardugel ngel diga am, ammaa taa ko ngidmi laato, sey ko ngidda."

Yuhanna 16:7-9 Ammaa mi don wi'a on goonja: Dum booddum haa moodon to mi dilli, ngam to mi dillaay, balloowo go warataa haa moodon. Ammaa to mi dilli, mi nelan mo haa moodon. 8 Kanjko, to o wari, o faamtinan yimbe duniyaaru be don mboofa bee numooji mabbe dow hakke e goonga e kiita Jehovah. 9 Be don mboofa dow haala hakke, ngam be nuddinaay yam.

2 Timote 2:10 Mi don munyana dum fuu ngam daliila subaabe Jehovah, ngam haa kambe boo be keba kisndam e teddungal duumiingal haa Yeesu Almasiihu.

Roma'en 15:20,21 Nder kuugal am dabbumi foroy waajingo linjiila haa nokkuuje de innde Almasiihu meedaay naneego, ngam taa mi maha dow cabbawal goddo. 21 Bana ko winda: "Yimbe be meedaay wi'eego haala maako, ngi'an. Yimbe be meedaay nanugo ka, paaman ka."

Kuude Nelaabe 2:36,37 "Ngam maajum sey yimbe Isra'iila fuu paama fakat, Yeesu oo, mo on bili haa leggal gaafaangal, kanjko on Jehovah darni haa o laato Jawmiraawo e Almasiihu+." 37 Nde yimbe nani dum, berde mabbe ta'i, be mbi'i Piyer e nelaabe luttube: "Noy min mbadata, deerdiraabe?"

Ibraniŋko'en 4:2 Ngam enen boo en nani kubaruwol ceynoowol bana yimbe nder ladde go. Be nani ngol, ammaa ngol nafaay be, ngam be njabaay ngol bee nuddinki.

Yeremiya 24:7 Mi hokkan be faamu ngam anndugo min woni Jawmiraawo. Nden be laatoto yimbe am, min boo mi laatoto Jehovah mabbe. Ngam be lortoto haa am bee bernde woore.

Kuude Nelaabe 16:14 Gooto mabbe woni Lidiya, iwdo wuro Tiyatira. O piloowo limce bodeeje, o cujdanoowo Jehovah. O don nana waaju amin, Jawmiraawo mabbiti hakkiilo maako, haa o jaba ko Pol wi'ata.

Matta 13:14,15 Bana ni annabaaku Esaaya goonjdiri haa mabbe, o wi'i: On nanan bee noppi, ammaa on paamataa, on ndaaran bee gite, ammaa on ngi'ataa koodume. 15 Ngam berde yimbe be'e maatataa koodume, be cukki noppi mabbe, be mabbi gite, ngam taa be ngi'a, taa be nana, taa be paama boo, ngam maajum be tuubataa, min boo mi hebataa yamsitingo be.

Esaaya 6:9,10 O wi'i: "Yah, yeccu yimbe be'e: Bee nande on nanan, ammaa on paamataa. Bee gidde on ngi'an, ammaa on anndititaa. 10 Tekkin berde yimbe be'e, teddin noppi mabbe, takku gite mabbe, ngam taa be ngi'a bee gite mabbe, taa be nana bee noppi mabbe, taa berde mabbe paama, ngam taa be

lorto, be nyawndo."

Markus 4:11,12 O jaabi be: "Onon, Jehovah anndini on sirri laamu muudum.

Ammaa yimbe wodbe nanataa kuuje fuu, sonaa bee balndi. 12 Ngam maajum be ngi'an bee gite, ammaa be annditittaa. Be nanan bee noppi, ammaa be paamataa. Kanjum ngam taa be lorto haa Jehovah, kaŋko boo o yaafø hakkeeji mabbe."

Yuhanna 12:39,40 Be mbaawaay nuddingo, ngam Esaaya wi'i fahin: 40 "Jehovah wumni gite mabbe, mabbi berde mabbe, ngam taa gite mabbe ngi'a, taa berde mabbe paama, taa be lorto haa maako, ngam o yamditina be."

Roma'en 11:7,8 Kadi noy jonta? Ko Isra'iila'en dabbiti, be kebaay dum. Sey subaabe Jehovah nder mabbe kebi dum. Burna mabbe laati saata-ko'e'en, be nanaay ewnaandu Jehovah. 8 Bana ko winda: "Jehovah hokki be ruuhu doyŋgol tedduŋgol. Haa warugo hande be mbaawataa yi'ugo bee gite mabbe, be mbaawataa nanugo bee noppi mabbe."

2 Tessaloniki'en 2:10,11 Dum laatoto nyalaade go, to o wari ngam haa yimbe maako teddina mo, nuddinbe mo fuu kaydina mo. Onon boo on ngondan bee mabbe, ngam on nuddini seedamku amin. 11 Ngam maajum min don ndo'ano on foroy. Min don toro Jehovah men fotina on hebugo ngeendam ðam o ewni on haa muudum. Kaŋko bee baawde maako hebbina anniyaaji mon haa kuuwon mboodeenga, o timmitina kuugal nuddinki mon.

Matta 13:18-23 "Too, nane sifa balndol demoowo go. 19 Yimbe wodbe nanan habaru laamu Jehovah, ammaa be paamataa. Kambe be nandi bee aawdi colndi haa laawol, ngam kalludo waran, ittan ko aawa nder berde mabbe. 20 Wodbe nandi bee aawdi colndi haa pellel kaa'e. Kambe, to be nani wolde Jehovah, be njaban nde law bee seyo. 21 Ammaa be ngalaa ðadi, be ndaroto baakin sedda, ammaa to billaare e toonyanje hebi be ngam daliila wolde Jehovah, be njoofan nuddinki mabbe law. 22 Wodbe boo nandi bee aawdi colndi caka gi'e. Kambe, to be nani wolde Jehovah, suuno kuuje duniyaaru e estooji risku billan wolde man, nde rimataa sam. 23 Ammaa wodbe nandi bee aawdi colndi dow lesdi mboondi. Kambe, to be nani wolde Jehovah, be paaman nde, be mbadan nafuda, wodbe cowi teemerre, wodbe cappande joweego, wodbe boo cappande tati."

2 Korintu'en 3:15,16 Koo jonta boo, koondeye be njangata tawreeta Muusa, suddaare maajum don waali dow hakkiilooji mabbe. 16 Ammaa ko laatani Muusa, dum laatanto be boo, bana ko winda: "To goddo lortake haa Jawmiraawo, suddaare sottan."

Esaaya 30:28 Poofde maako nandi bee maayo teelanŋgo yottotoonŋgo daande goddo, haa o seda ummaatooje nder cedirgel halkere, haa o wada labangal majjere haa galange ummaatooje.

Hose'a 11:3-7 Min bee hoore am mi ekkinnno Efrayim yahugo, mi efti be dow wuttudu am. Ammaa kambe be ngi'aay no mi walliri be. 4 Mi yahri be bee labangal koyngal, mi dowi be bee boggol yiide. Mi laatani be bana goddo kuufando musinanŋgel, mi turi hedi mabbe haa mi nyaamma be. 5 Walaa haaje be loro haa Misra, ammaa jonta Assuura boo laamanto be, ngam be cali

Iortaago haa am. 6 Kaafahi ukkanto berniji mabbe, yewa jamde mabbe paldude, mbara be ngam daliila nufayeeji mabbe. 7 Yimbe am tabiti dow tuurtango yam. Koo to be ngooki hedi asama, walaa nanando be.

Kuude Nelaabe 26:18 ngam a mabbita gite mabbe, a wurtina be nyibre, a yahra be haa annoora, a hisna be baawde Saydaanu, be nastaa baawde Jehovah, ngam haa be keba yaafuye hakkeeji mabbe, be nastaa joonde mabbe caka subaabe Jehovah bee nuddingo yam.

2 Timote 2:24-26 Kuuwanoowo Jawmiraawo, taa jokkira, ammaa o laato delemdo haa koomoy fuu, o ekkitinoowo booddo, munydo. 25 Sey o elta luutoobe bee mboodeenga. Teema Jehovah wallan be be tuuba haa be paama goonga. 26 Nden kam be kebtan hakkiilo mabbe, be ndada tuuforgol Iblisa. Ngam kaŋko o nangi be, o wadi be tokkiibe muuyo maako.

Wahayu 3:17-19 A don wi'a: Mi riski, jam koodume, walaa ko mi sooyi sam.

Ammaa a anndaa a tampudo, a jurumdo. A laafudo, a tembo, a bumdo. 18 Ngam maajum mi don wi'e: Soodu kangeeri laabndi haa am ngam haa a riska. Soodu limce daneeje boo ngam haa a borno, a sudda cemtudum tembu maada. Kadiboo soodu lekki ngam gite ma, ngam haa a heba yi'ugo. 19 Yimbe be ngidmi, mi don fela be, mi don elta be. Taa fijir haala am, ammaa tuubu.

2 Korintu'en 7:10 Ngam suno ngo Jehovah huwtinirta dum, laatinan tuubu, tuubu boo waddan kisndam. Nder suno bana ngo'o, mimsitaare woodaa. Ammaa suno fodde gikku duniyaaru yahran haa maayde.

1 Laamiibe 18:37 Jaabanam, ya Jawmiraawo, jaabanam, haa yimbe be'e paama an, ya Jawmiraawo, woni Jehovah, an lorti berde mabbe."

2 Korintu'en 4:4 Kambe be nuddinaay ka, ngam Saydaanu, dowantedeo duniyaaru ndu wumni hakkiilooji mabbe, ngam taa be ngi'a jayngol linjiila. Jayngol man don waŋgina tedduŋgal Almasiihu. Nder Almasiihu boo, Jehovah bee hoore mum waŋgata.

Luka 8:11-15 "Ndaa ko balndol ngol yidi wi'ugo: Aawdi dum wolde Jehovah. 12 Wodbe feere nandi bee sera laawol haa aawdi soli. To be nani wolde Jehovah, Iblisa wara, wifta bolle man nder berde mabbe, ngam taa be nuddina, be kisa. 13 Wodbe boo nandi bee pellel kaa'e, to be nani wolde, be njaba nde bee seyo. Ammaa be accataa nde tabita, be nuddina wakkati sedda non. To jarribeeki wari, be njoofa. 14 Aawdi ndi soli caka gi'e boo, nandi bee nananbe wolde, be ndilla, be acca laruuraaji e yidugo risku e beldum duniyaaru bidda wolde go, nde nafataa. 15 Aawdi ndi soli nder lesdi mboondi, nandi bee nananbe wolde, be njogo nde bee berde laabde, boodde, de mbanginira nafuda bee munyal."

Kuude Nelaabe 15:11 Aa'a. Bana enen en nuddiniri, en kisi bee mo"ere Jawmiraawo men Yeesu, non kambe boo be kisrata.

Roma'en 8:13 Ngam to on tokkake gidaadi mon, on maayan. Ammaa to on acci Ruuhu Jehovah mbara gidaadi mon, nden kam on ngeedan.

Pastor T. John Franklin

Church of Salvation, Healing, and Deliverance
COS-HAD.org